



Parandali



REPUBLIKA E KOSOVËS/REPUBLIKA KOSOVA/REPUBLIC OF KOSOVO

GJYKATA KOMUNALE PËR KUNDËRVAJTJE NË PRISHTINË /OPSTINSKI SUD ZA PREKRSAJE U PRISTINI/MUNICIPAL OFFENCES COURT IN PRISTINA

Nr.regj. 16948/2010

GJYKATA KOMUNALE PËR KUNDËRVAJTJE NË PRISHTINË,duke vendosur në procedurën kundërvajtëse kundër të pandehurit Valon Krasniqi nga Prishtina, për kundërvajtjen nga neni 6 parag.2 lidhur me nenin 16 paragrafi 1 pika 2 të Ligjit për Deklarimin,Prejardhjen dhe Kontrollën e Pasurisë dhe të dhuratave të zyrtarëve të lartë publik, e ne bazë të nenit 73,74,195,198 al. 1 pika 2 të Ligjit mbi Kundërvajtjet, merr këtë:

A K T V E N D I M

PEZULLOHET: Procedura kundërvajtëse ndaj të pandehurit Valon Elmi Krasniqi i lindur , me 1983 në fshatin Komoran ,me vendbanim të përhershëm në Prishtinë rr.Dardanija Kadri Zeka SU 7/2 për kundërvajtjen nga neni 6 paragr. 2 lidhur me nenin 16 parag.1 pika 2 të Ligjit për Deklarimin,Prejardhjen dhe Kontrollën e Pasurisë dhe dhuratave të zyrtarëve të lartë publik konform nenit 198.parag.1.pika 2 të Ligjit mbi Kundërvajtjet,për shkak të ekzistimit të rrethanave që e përjashtojnë përgjegjësinë kundërvajtëse.

Shpenzime të procedurës nuk ka patur.

Nga një kopje të këtij aktvendimi duhet dorëzuar palës dhe ushtruesit të kërkesës.

A r s y e t i m

Agjencia Kundër Korrupsionit në Prishtinë, parashtroj gjykatës kërkesën nr.01/2320/10 më dt. 08.06.2010 për fillimin e procedurës kundërvajtëse kundër të pandehurit Valon Krasniqi dhe për kundërvajtjen nga neni 6 parag.2 lidhur me nenin 16 parag.1 pika 2 të LDPKP dhe të dhuratave të zyrtarëve të lartë publik.

Sepse në afatin e caktuar ligjor gjerë më datë 31.03.2010, nuk e ka deklaruar pasurinë pranë Agjencisë Kundër Korrupsionit.

Në seancën gjyqësore të caktuar për datë 01.06.2011 i pandehuri u muar në pyetje dhe në mbrotjen e vet deklaroi se deri në muajin Mars të vitit 2010 ka punuar si këshilltarë në kabinetin e Ministrit të Punëve të Brendshme dhe pas fillimit të reformatizimit të qeverisë është caktuar në punë dhe detyra të punës të kordinatorit për evaluim,raportim dhe implementimin e strategjive nacionale,anda j tani në cilësinë e stafit civil nuk është i obliguar ta deklarojë pasurinë.

Agjencia Kundër Korrupsionit,pas largimit të tij nga puna në kabinetin e Ministrit të Punëve të Brendshme, nuk iu është përgjigjur shkresës së tij dhe nuk e ka njohtuar se është i obliguar apo jo ta deklarojë pasurinë.

Nga vlerësimi i të dhënave të parashtruara në kërkesë,deklarata e të pandehurit,nga shiqimi dhe vlerësimi i shkresave tjera të deponuara në këtë lëndë,Gjykata konstatoi se në rastin konkret ekzistojnë rrethana të cilat e përjashtojnë përgjegjësinë kundërvajtëse,sepse i pandehuri që nga Marsi i vitit 2010 nuk gjendet në listën e zyrtarëve të lartë publik që janë të obliguar ta deklarojnë pasurinë pranë AKK-së,e cila nuk iu është përgjigjur kërkesës së tij për ta njohtuar se është i obliguar apo jo ta deklarojë pasurinë,anda j në vështrim të nenit 198 parag.1 pika 2 të LMK-së ndaj të pandehurit u Pezullua procedura.

Me sa u tha më lartë u vendos si në dispozitiv të këtij aktvendimi.

KËSHILLA JURIDIKE: Kundër këtij aktvendimi mund të ushtrohet ankesë Gjykatës së Lartë për Kundërvajtje në Prishtinë 8 ditë pas marrjës së të njejtit nëpërmjet kësaj Gjykate pa taksa..

U VENDOS NË GJYKATËN KOMUNALE PËR KUNDËRVAJTJE NË PRISHTINË

Me dt. 20.09.2011

KRYETARI I GJYKATËS

Mustafë Selimi

REPUBLIKA E KOSOVËS/REPUBLIKA KOSOVA/REPUBLIC OF KOSOVO		AGJENCIA KUNDËR KORRUPSIONIT AGENCIJA PROTIV KORUPCIJE ANTI-CORRUPTION AGENCY	
Dep.		Nr. Prot.	
Dep.	D. P	B. Prot.	03/3713/M
Dep.		Prot. No	
Nr. Fraç.		Data	
Broj stranica		Datum	26.09.2011
Nr. pages		Data	
PRISHTINË			